

SONNEN

**Er vam gaer**

*Ur soñnen gob é honnen. Kermarkér, én é livr kaer meurbet, er Barzaz Breiz, en des mollet ur soñnen bag e zou baval é mar a dachad doh honnen : Ar baron Jaou'ioz, (B. B. p. 205 . É kosté er Gemené é ma bet dastumet er soñnen-men.*

The musical score consists of three staves of music in a single system. The first staff begins with a treble clef, a key signature of one flat (B-flat), and a 2/4 time signature. The melody is written on a five-line staff. The lyrics 'Dé - mat ha joé d'ol - tud en ti Dé - mat' are placed below the first staff. The second staff continues the melody with a 3/4 time signature change, and the lyrics 'ha joé d'ol tud en ti Dé - mat ha joé d'ol tud' are placed below it. The third staff concludes the piece with a 2/4 time signature and a double bar line, with the lyrics 'en ti Er vi nou réz'men e ma hi?' placed below it.

— Démat ha joé d'ol tud en ti ;  
Er vinouréz 'men é ma hi ?

— Pe houiehen hent er stanken,  
M'anprovehé er famellen.

— É ma ér ganpr adrest hou pen,  
É huskein hé houif dantellen

— Kerhet añn get en aléieu,  
Hui gavou routeu hé boteu.

— Nen dé ket honneh e glaskan,  
Meit guir vinouréz en ti-man.

Pe gleueët er vah-tilled (1)  
Abennik é arriueët.

— A ! ia, me houér più e glasket :  
Er fallan plah e zou ér bed.

— Démat, plahig, ar vord er len  
Hui e gan gé, hui e holhguen.

E ma duzé barh ér stanken,  
É holhein hé mouchedig guen.

— Héliet hou hent hui divroad  
Ha me lausket get men dillad.

(1) Er vah-tillad pé batulér.

- Hui e suan braù, flour é suañnet  
Suañnet hui d' ein mé me mouched?
- Ne suañnan ket na flour na braù;  
Hou mouched ne hrein ket ataù.
- Plahig, plahig, saùet hou pen  
Ha hui e huélou me marh guen.
- Ur brid aleuret ar é ben ;  
Ar é gein un dipr argand guen.
- Mé ne hran forh a hou marh guen  
Mui ne hran ag ur bod raden.
- Sellet doh me mantellig ru  
Ha hi velouzet tu ha tu.
- Ne hran forh a hou mantel ru  
Mui ne hran ag ur bod burllu.
- Sellet, plahig, doh me houtel  
Pe vehé eur ' vehé ket guel.
- Ne hran ket forh a hou koutel  
Mui ne hrehen ag un arel (1)
- Ama deit genein d'em otel,  
De ivet guin dous èl er mél.
- Guel vehé d' ein deurag er prad  
E léh me iv ronsed me zad.
- Deit hui genein a stal de stal  
De choéj un abit de vragal.
- Guel vehé d' ein ur vrohig lin  
Pe vehé mam hé rehé d' ein.
- Allas ! plahig hui e chanjou  
D'é a dra sur mé hou lahou.
- Lahet mé a pe gareét  
Rak a dra sur ne chanjein ket.
- Aveit argand, nag aveit aour (2)  
Mé ne huerhein ket me inour.
- M'em es ur brérig é pel bro  
A p'hou kuélehé ar me zro !
- Ean hrehé d'hou korv bransellat  
Ha marsé d'hou pen rudellat.
- Lausket en dillad get en dour (3)  
Er ré fal get en dizinour.
- Er valis get er vam-gaereu  
Rak ni zou brér ha hoér hun deu.
- Kri vehé bet er haloneu  
Nen devehé skuillet dareu.
- E huélet doh hum vréhatat  
Er brér, en hoér, hemb mamna tad.

(1) Un aral.

(2) Eur.

3) Deur.

Dastumet get en damezél L. GUILLAM.

